

Jesús - Mixtec, Jamiltepec

1.1

Nu sacondutyá ra Juan chi ñáyivi ta cahán ra tuhun Nyoo chihin ñu

(Mt. 3.1-12; Lc. 3.1-9, 15-17; Jn. 1.19-28)

1.1 Tyehe caa quichahá tuhun vaha ra Jesuscristo Sehe Nyoo.

1.14-15

Nu quichahá saha tyiño ra Jesús ityi Galilea

(Mt. 4.12-17; Lc. 4.14-15)

1.14 Cha yahá catyihí ñu chi ra Juan vehe caa, ta ra Jesús cuanuhu ra Galilea ta cahán ra tuhun vaha Nyoo chihin ñáyivi.

1.15 Ta catyí ra:

—Cha chaá cuhva cha cua cunyaca ñaha Nyoo aña ndo. Yatyn ri nyaá ra chihin ndo. Ndu uvi iñi ndo cuatyí ndo, ta chino iñi ndo tuhun Nyoo cha sacacu aña ndo —catyí ra Jesús.

1.21-27

Nu nduvahá noo ra yihí tatyí ña vaha aña

(Lc. 4.31-37)

1.21 Ta chaá coyo ra ñuu Capernaum. Ta cuví chi noo quivi nyitatú ñáyivi, ta quihví ra Jesús chichi vehe ñuhu, ta quichahá sañaha ra tuhun Nyoo chi ñáyivi.

1.22 Ta iyo cuñí ñu tuhun cahán ra, vatyí sañahá ra tari noo ra iyó vaha ityi chii cha cahán. Ña cahán ra cuhva cahán ra casacuahá cuenda ley vehe ñuhu.

1.23 Chichi vehe ñuhu cuan ñohó noo ra yihí tatyí ña vaha aña. Ta caná chaa ra ta catyí ra:

1.24 —¿Ñáá tuhun cha tyihún chuun chihin ndi, yoho Jesús ra ñuu Nazaret? ¿Atu vachun vatyí sanaun chi ndi? Yuhu ñohó nui chuun, ta chité vatyí Sehe Ii Nyoo cuví chuun —catyí ra yihí tatyí ña vaha cuan chi ra Jesús.

1.25 Nacahan ra Jesús ta catyí ra chi tatyí ña vaha cuan:

—iTaxi ri! iSaña chi ra ndahvi chiña! —catyí ra.

1.26 Ta tatyí ña vaha cuan, chihí tañi ra cuhví cuan sahá chi, ta iyo canachaa tatyí cuan quitá chi ra.

1.27 Tandihí ñáyivi yuhvi xaan ñu cuví, ta candacá tuhun ñu chi tahan ñu, ta catyí ñu:

—¿Ñáá cha cuví ihya? ¿Ñana vaha tuhun chaa sañahá ra ihya? ¡Vatyí iyo vaha tunyee iñi chi ra, nyacua nya tatyí ña vaha, ta quichahá chi ra! —catyí ñu.

1.32-34

Nu sanduvahá ra Jesús chi cuaha ñu cuhví

(Mt. 8.16-17; Lc. 4.40-41)

1.32 Cuhva cha quee ñanyii ta cha cua cuaa, quichí nyaca ñu tandihí ñu cuhví ta ñu yihí tatyí ña vaha nu nyaá ra Jesús.

1.33 Ta tandihí ñáyivi ñuu cuan candu iñ ri ñu yuvehé cuan.

1.34 Ta cuaha ñu cuhví cha siin siin cuehe sanduvahá ra. Ta tava ñehe ra chi cuaha tatyí ña vaha, soco ña chahá ra cha cahan tatyí cuan, vatyí chitó cuan yóó ra cuví ra.

2.1-12

Nu sanduvahá ra Jesús chi noo ra cuhví cha ña cuví nacanda

(Mt. 9.1-8; Lc. 5.17-26)

2.1 Suhva quívi yahá ta quíhví ra Jesús inga chaha chichi ñuu Capernaum. Ta cachito ñáyivi tyi nyaá ra vehe.

2.2 Ta numi ri candu ñin ri cuaha ñáyivi. Ta nyacua ña chitahan ñu, ni yuvehe. Ta maa ra Jesús cahan ra tuhun Nyoo chihin ñu.

2.3 Tyicuan ta cumi tahan ra canyisó chi noo ra cuhví cha ña cuví nacanda, caquichí nyaca ra chi ra nu nyaá ra Jesús.

2.4 Soco ña cuví caquíhvi ra nya nu nyaá ra Jesús cha cuenda vatyi tuvi xaan ñáyivi. Tyicuan ta candaa ra ityi xiñi vehe. Ta sacuachiyó ra suhva tyiyo. Ta sanoó ra chi ra cuhví cuan chihin chito.

2.5 Nyehe ra Jesús vatyi cachinó xaan iñi ra cuan. Ta catyí ra chi ra cuhví cuan:

—Cha ndachí cuatyun, suti —catyí ra Jesús chi ra.

2.6 Soco suhva ra sacuahá cuenda ley vehe ñuhu nyicú ra cuan, ta cachicá xiñi ra tyehe caa:

2.7 “¿Ñáá tuhun cha cañá iñi ra ihya cahan ra tyehe caa? Chicoó cuatyí ra nuu Nyoo chihin tuhun cahan ra vatyi yori cuví sandachi cuatyí, noo tuhun ri maa Nyoo cuví sandachi ra cuatyí”, cachicá xiñi ra.

2.8 Soco ra Jesús chitó ra cha cachicá xiñi ra. Ta catyí ra chi ra:

—¿Ñáá tuhun cha chicá xiñi nyoho tyicuan caa?

2.9 ¿Ñáá cha yii ca, cha catyí yo chi ra cuhví ihya vatyi cuatyí ra cha yahá ndachi, o cha catyí yo chi ra vatyi nducuita ra ta naquehen ra chito ra ta caca ra?

2.10 Vaha, vityin chihin cha sanduvahi chi ra ihya, cusañahi chi ndo vatyi yuhu ra cuví Rayii cha quichí nya gloria, iyó ityi chii cha sandachi cuatyí ñáyivi —catyí ra Jesús chi ra.

Tyicuan ta quichaha catyí ra chi ra cuhví cuan:

2.11 —Catyí chi yoho, nducuita, naquehen chiton, ta cuanuhu nya vehun —catyí ra Jesús chi ra.

2.12 Ta ra cuhví cuan nducuita ra. Naquehen ra chito ra, ta cuanuhu ra. Ta tandihi ñu nyehe ñu, ta iyo cuñí ñu, ta sacahnú ñu chi Nyoo, ta catyí ñu:

—Ni noo chaha ta nyehe ca yo cha tyehe caa —catyí ñu.

4.35-41

Nu sacutaxín ra Jesús tatyí ta miñi

(Mt. 8.23-27; Lc. 8.22-25)

4.35 Suri maa quívi cuan, cuhva cha cuaa, catyí ra chi ra cachicá noo chihin ra:

—Coho ndo inga chiyo miñi cuan.

4.36 Tyicuan ta casandoó ra chi ñáyivi. Ta cuahan ra Jesús chihin ra chichi canoa cha catuvi cuan. Ta cuahan tucu inga canoa chihin ra.

4.37 Ta quichaha caa noo tatyí ñihi xaan, ta quichaha quíhvi ndutya chichi canoa cuan, ta quichaha chitu.

4.38 Ta ra Jesús quixí ra siquí noo cabecera cha nyaá inchiyo xiin canoa cuan. Ta casandoyo ra chi ra, ta cacatyí ra:

—iMaestro! ¿atu ñahri cuendon cha cuñí nyee yo?

4.39 Tyicuan ta nducuita ra Jesús ta cahan ra chi tatyí cuan na cutaxin. Ta catyí ra chi ndutya miñi cuan tyehe caa:

—iTaxi ri! iTaxi cunyaun! —catyí ra.

Ta tatyí cuan cutaxín, ta taxi taxi cuví.

4.40 Tyicuan ta catyí ra Jesús chi ra cachicá noo chihin ra:

—¿Ñáá tuhun cha yuhví xaan ndo? ¿Atu ta chino ca iñi ndo? —catyí ra chi ra.

4.41 Soco maa ra cayuhví xaan ra cha cuví cuan. Ta cacatyí ra chi ra tahan ra:

—¿Yóó ra cuví ra ihya, vatyí nyacua nya tatyí ta miñi quichahá chi ra? —cacatyí ra.

5.22-24

5.22 Tyicuan ta chaq noo ra cuví nuu vehe ñuhu. Nañí ra Jairo. Ta cuhva cha nanyehé ra chi ra Jesús, chiciuñi chiti ra nuu ra.

5.23 Ta chacu ndahvi ra nuu ra ta catyí ra:

—Cha cuñí cúvi sehi. Coho chihin ta tyison ndahun siquí ña na nduvaha ña ta ma cúvi ña.

5.24 Tyicuan ta cuahan ra Jesús chihin ra, soco cuaha ñáyivi nyicón chi ra, ta nyacua nañi tahan ri ca maa ñu.

5.35-42

5.35 Ni cahán ca ra Jesús ta chaq coyo ñu vehe ra cuví nuu cuan, ta catyí ñu chi ra cha cuví sutu cha luhlu cuan:

—Sehun, cha chihí ña. Ñáá ri ca tuhun cha sayangon chi Ra Sacuaha chiña —catyí ñu.

5.36 Soco ra Jesús ña quichahá ra cha cahán ñu, ta catyí ra chi ra cuví nuu vehe ñuhu cuan:

—Ma yuhvun. Chino iñun —catyí ra chi ra.

5.37 Ta ña chahá ra yóó ca cha cuhun chihin ra, notuhun ri ra Pedro ta ra Jacobo ta ra Juan, yañi ra Jacobo.

5.38 Ta cuhva cha cachaa coyo ra vehe ra cuví nuu vehe ñuhu, nyehé ra cha chacú chaa ñáyivi ta caná chaa ñu.

5.39 Quihví ra ta catyí ra chi ñu:

—¿Ñáá tuhun cha iyo xaan cuví ndo, ta chacú ndo tyiña caa? Cuehe luhlu ihya, ña chihí cue, quixí cue —catyí ra chi ñu.

5.40 Soco chacu cuehe ri ñu nyehe ñu chi ra. Tyicuan ta ra Jesús tava ra chi tandihí ñu, ta quehen ra chi sutu cue ta sihi cue ta chi ra cha chaq coyo chihin ra, ta quihví coyo ra nu catuví cue.

5.41 Ta tijn ra ndaha cue, ta catyí ra chi cue:

—Talita cumi —ta cuñí chi catyí cuan: Catyí chuun, yoho cuehe luhlu, indícuita!

5.42 Ta caa cuhva ri cua ndicuita cuehe luhlu cuan. Iyó uchi uvi cuiya cue. Ta cuví nacaca cue. Ta ñáyivi iyó xaan cuñí ñu.

7.18-23

7.18 Ta catyí ra Jesús chi ra:

—Tu tyicuan caa, ni nyoho, ña cutuñí iñi ndo. ¿Atu ña cutuñí iñi ndo vatyí cha quihví chichi yuhu yo ña sativí chi chi yo?

7.19 Vatyí ñima ñima yo quihví chi, soco chichi yo. Ta yaha cuan ta quita chi chichi coño ñuhu yo

—catyí ra Jesús.

Chihin cuan cuñí ra catyi ra vatyí tandíhi nyayu ta vaha cachi yo.

7.20 Ta catyí tucu ra:

—Cha quitá ańima ñáyivi, ican cuan sativí chi ñu.

7.21 Vatyí ańima ñu quitá cha ña vaha chicá xińi ñu, ta sacuví ñu cha ña vaha. Yihí ñu iyó ñu chihin rayi o chihin ñusihi ta ñima ñasihi ra cuví, ta ñima yii ñu cuví. Yihí ñu casuhú ñu. Yihí ñu cachahńi ñu.

7.22 Yihí ra iyó ñasihi ra ta chicá noo ra chihin inga ñu. Yihí ñu quichi cuvi ińi ñu cha chii inga ñáyivi. Yihí ñu sacuví ñu cha quińi caa. Yihí ñu sandaví ñaha ñu. Yihí ñu iyó viciu chi ñu. Yihí ñu nyiyo ińi ñu. Yihí ñu ñii ñu cuendu. Yihí ñu cahnu sahá ñu chi ñu. Yihí ñu ña chaa cha chińi tuńi xińi ñu.

7.23 Tandíhi tuhun ña vaha ihya, quitá chi ityi chichi ańima ñáyivi, ta sativí chi chi ñu —catyí ra chi ra.

9.2-8

Nu sańahá Nyoo yoso caa ra Jesús noo cha ndicha nu nyacá ñaha ra

(Mt. 17.1-13; Lc. 9.28-36)

9.2 Ińu quivi yaha ta cuahan ra Jesús noo yucu sucun. Ta ra Pedro, ra Jacobo, ta ra Juan ri cuahan coyo chihin ra. Ta yucuan nasama cuhva caa nuu ra Jesús.

9.3 Nduxińo xaan sahna ra ta cuichin xaan nanduví. Yori maa siqui ñuhu ñayiví ihya cuví nacatya ta nducuichin tyicuan caa.

9.4 Ta cananyehe ra tyi nanyaá ra Elías ta ra Moisés, candatuhún ra chihin ra Jesús.

9.5 Tyicuan ta ra Pedro catyí ra chi ra Jesús:

—Maestro, ivaha xaan cha nyicú ndi ihya! Na savaha ndi uńi tahan tiyahva: noo cha cuenda maun, ta noo cha cuenda ra Moisés, ta nonga cha cuenda ra Elías —catyí ra Pedro,

9.6 vatyí ña chitó ra ñáá tuhun cahán ra. Vatyí maa ra ta inga ra cayuhví ra.

9.7 Tyicuan ta noo xica noo vico siqui ra ta sahvi chi ra. Ta chichi vico cuan tyacu noo ndusu cha catyí: —Ican ihya cuví Sehi, ta cuńi xain chi ra. Tyasoho ndo tuhun cahan ra —catyí ndusu cuan.

9.8 Ta cuhva cha cananyehe ra, yori ca ra tayucú chihin ra, noo ri ca maa ra Jesús.

12.28-31

Ley cha nińi ca cha chahá Nyoo

(Mt. 22.34-40)

12.28 Chahá tucu noo ra sacuahá cuenda ley vehe ñuhu cuan, ta chińi ra cacuví yuhu ra. Ta vatyí chitó ra vatyí ra Jesús vaha nacahan ra nu cacahan ra yucuan, ta ndaca tuhun ra chi ra ta catyí ra:

—Chichi cha tandíhi ley, ¿nya cha nińi ca sacuvi yo? —catyí ra.

12.29 Ta nacahan ra Jesús ta catyí ra:

—Cha xihna ca sacuví yo cha nuu tandíhi, ican cuví ihya: “Cuńi ndo ñu Israel. Sutu yo Nyoo, noo ri maa ra iyó.

12.30 Cuńun chi Sutu yo Nyoo chihin cha ñi ińun ta chihin cha tandíhi ańimon, ta chihin cha tandíhi cha chińi tuńi xińun, ta chihin cha tandíhi tunyee ińun.” Ican ihya cuví cha xihna ca cha tahán chi sacuvi yo.

12.31 Ta cha cu uvi catyí chi: “Cuńun chi tahun tari cuńun chi maun.” Ñahri ca tuhun cha nińi ca ican saha nduvi tahan ihya —catyí ra Jesús.

14.10-11

Nu nacuhva cuenda ra Judas chi ra Jesús chi ra xaan iñi chi ra

(Mt. 26.14-16; Lc. 22.3-6)

14.10 Yaha cuan ta ra Judas Iscariote, noo ra chichi cha uchi uvi tahan ra cachicá noo chihin ra Jesús, chahan ra chindatuhun ra chihin ra cacuví nuu chi tata sutu, vatyí casandaa ra noo tyiño ta nacuhva cuenda ra chi ra Jesús chichi ndaha ra.

14.11 Cuhva cha cachiñi ra ihya, cusii xaan cacuñi ra, ta catyí ra vatyí cuhva ra xuhun chi ra. Tyicuan ta quichaha nducu ra Judas cuhva nacuhva cuenda ra chi ra Jesús.

14.44-46

14.44 Cha ni cumañi ca cachaa coyo ra, ra Judas, ra cha naxicó tuhun chi ra, chaha ra noo seña chi ra ta catyí ra:

—Ra cha tyayuhi, ican ra cuan cuví. Tjin vaha ndo chi ra na cuhun ra chihin ndo.

14.45 Ta cuhva cha chaa ra tuhva ra nu nyaá ra Jesús ta catyí ra chi ra:

—Maestro.

Ta tyayuhú ra xitín ra.

14.46 Tyicuan ta catiñi ra chi ra Jesús ta cuahan ra vehe caa.

15.6-15

Nu cutuñi chi ra Jesús vatyí cucuvi ra

(Mt. 27.15-31; Lc. 23.13-25; Jn. 18.38—19.16)

15.6 Ta vico cuan tuhvá ra Pilato saña ra chi noo ra ñohó vehe caa, noo ra cha cacan maa ñáyivi.

15.7 Ta ñohó noo ra nañí Barrabás vehe caa cuan, iin ri chihin inga ra cha cachahñi chi ñáyivi noo nu naquiqui ñáyivi siqui gobiernu.

15.8 Ta quichi coyo ñáyivi quichaha chican ñu chi ra Pilato na saña ra chi noo ra tari tuhvá maa ra.

15.9 Ta nacahan ra Pilato, ta catyí ra:

—¿Atu cuñi nyoho cha sañe chi Rey cuenda ñu Israel?

15.10 Tyicuan caa catyí ra vatyí tuví iñi ra vatyí ra cacuví nuu chi tata sutu cuan tasi cuñi ra chi ra Jesús tyi cuaha ñáyivi nyicón chi ra, yucuan chaha nacuhva cuenda ra chi ra.

15.11 Soco ra cacuví nuu chi tata sutu cuan catiyuhú ra chi ñáyivi na catyí ñu na saña ra chi ra Barrabás.

15.12 Tyicuan ta ndaca tuhun ra Pilato chi ñu, ta catyí ra:

—¿Ta ñáa cha cuñi ndo sacuvi chihin ra cha catyí nyoho Rey cuenda ñu Israel chí? —catyí ra chi ñu.

15.13 Tyicuan ta nacanacha ñu, ta catyí ñu:

—iNa cúvi ra nu cruzi! —catyí ñu, canachaá ñu.

15.14 Ta catyí ra Pilato chi ñu:

—Soco ñáa cha ña vaha sacuvi ra? —catyí ra.

Soco canacha ca ñu ta catyí ñu:

—iNa cúvi ra nu cruzi! —catyí ñu.

15.15 Tyicuan ta vatyí cuñi ra Pilato cuvaha ra nuu ñu, saña ra chi ra Barrabás. Tyicuan ta tyihí ra tyiño na ndoho ra Jesús, ta cha yaha cuan chaha cuenda ra chi ra vatyí cúvi ra nu cruzi.

15.33-39

Nu chihj ra Jesús

(Mt. 27.45-56; Lc. 23.44-49; Jn. 19.28-30)

15.33 Cuhva cha cua cu hora, tandihi ñuhu ñayivi nduñaa, nyacua nya caa uñi cha cha iñi.

15.34 Ta suri cuhva cuan canachaꞗ ra Jesús chihin tandihi fuerza ra, ta catyí ra:

—Eloi, Eloi, ¿lama sabactani? —ta cuñi chi catyí: Nyoo Suti, Nyoo Suti, ¿ñáá tuhun sandoo noo tuhun maun chii? —catyí ra.

15.35 Suhva ra tayucu yucuan cachiñi ra ta catyí ra:

—iXihna! Caná chaa ra chi ra profeta Elías —catyí ra.

15.36 Tyicuan ta chinq noo ra yucuan chiquehen ra noo tari caa xixan ta satyji ra chihin vinu iya. Ta tyaa ra noo nu yutun ta satuhva ra yuhu ra na coho ra, ta catyí ra:

—Cuatu ndo. Na nyehe yo tatu quichi ra Elías sanoo ra chi ra —catyí ra cuan.

15.37 Tyicuan ta ñihi xaan canachaꞗ ra Jesús, ta chihj ra.

15.38 Ta sahma cha tacaá chichi vehe ñuhu cahnu ndata sava maa chi, nya siqui ta nyacua nya ityi yuvi.

15.39 Ta noo capitán cuenda sindaro Roma nanyaá ra yatyin nuu ra Jesús cuan. Cha nyehe ra yoso caa canꞗ chaa ra, ta yoso caa chihj ra, ta catyí ra:

—Cha ndicha ndicha cuii vatyí Sehe Nyoo cuví chi ra ihya —catyí ra.

15.42-46

Nu chicuchj ñu chi ra Jesús

(Mt. 27.57-61; Lc. 23.50-56; Jn. 19.38-42)

15.42 Cuví chi quivi cha sanduvaha ñu cha cachi ñu vatyí inga quivi tuhvá ñu nyitatu.

15.43 Ta cha cuaa cuan chaꞗ ra José ra ñuu Arimatea. Noo ra cuví tyiño. Nyatú tucu maa ra nu cunyaca ñaha Nyoo. Ta ndachan cuñi ra ta quihvi ra nu nyaá ra Pilato, ta chicꞗ ra coño ñuhu ra Jesús chi ra.

15.44 Iyo cuñi ra Pilato cha nacotoꞗ ra vatyí cha chihj ra Jesús. Ta canꞗ ra chi capitán vatyí ndaca tuhun ra tatu cha yahꞗ chihj ra.

15.45 Ta cha catyí capitán vatyí cha yahꞗ chihj ra, ra Pilato chahꞗ ra coño ñuhu ra chi ra José.

15.46 Tyicuan ta sata ra José noo sinduhu cha chinq chihin sahma finu cha ñani lino, ta sanoꞗ ra coño ñuhu ra. Ta siqui noo ra chihin sinduhu cuan. Yahꞗ cuan ta chityihj ra chi ra noo chichi ñaña cha cachatyꞗ ra chichi noo yuu. Ta chasi ra yuhu ñaña cuan chihin noo yuu cahnu.

16.1-7

Nu nandotoꞗ ra Jesús

(Mt. 28.1-10; Lc. 24.1-12; Jn. 20.1-10)

16.1 Yahꞗ quivi nyitatu ñu. Tyicuan ta cu María ñaha Magdala ta cu María sihi ra Jacobo, ta cu Salomé sata ñu ndutya vixi chahán ta cuahan coyo ñu cua tyihi ñu coño ñuhu ra Jesús.

16.2 Ta timingu cuví, quivi quichaha vitya, ñaha cuii ri cuhva cha vachi cundichin cuhva cha ni cua caña ñanyii, chaꞗ coyo ñu nu ñaña.

16.3 Ta catyí ñu chi tahan ñu:

—¿Yóo cha cusacanyaha yuu yuhu ñaña cuan? —catyí ñu chi tahan ñu.

16.4 Soco cuhva cha nanyehe ñu, yuu cahnu cha nyasi yuhu ñaña cuan cha cuachiyꞗ chi nya sava.

16.5 Quihvi coyo ñu chichi ñaña yucuan. Ta nanyehe ñu chi noo ángel tari caa noo ra tyivaa, nyaá ra

chiyo vaha. Ta ñihno ra sahma cani ta cuichin. Ta canayuhvi ñu.

16.6 Soco catyi ra chi ñu:

—Ma yuhvi ndo. Nyoho nanducu ndo chi ra Jesus ra ñuu Nazaret, ra cha chihj nu cruzi. Soco cha nandoto ra. Na ñoho ca ra ihya. Nyehe ndo nu chacun ra chi ra.

16.7 Cuahan ndo cua sacoto ndo chi ra Pedro ta chi inga ra cachica noo chihin ra. Catyi ndo chi ra vaty na cuhun coyo ra ityi Galilea vaty yucuan nyatu ra Jesus chi ra, tari cuhva catyi ra chi ra. Vaty ra Jesus cha cuahan ra ityi nuu —tyicuan caa catyi angel cuan chi ñu.

16.15-16

16.15 Ta catyi ra chi ra:

—Cuahan ndo nicacahnu ñuhu ñayivi, ta cahan ndo chihin tandihi ñayivi, ta catyi ndo chi ñu yoso caa sacacu Nyoo anima ñu.

16.16 Ta ñu cha chinó ini ta condutya ñu, cucacu anima ñu. Soco ñu cha ña chinó ini cundoo cuaty ñu siqui ñu ta cunaa ñu.

16.19-20

Nu nanda xica ra Jesus andivi

(Lc. 24.50-53)

16.19 Nu ndihi cahān Sutu Mañi yo Jesus chihin ra, ta nanda xica ra andivi, ta chicunya ra chiyo vaha Nyoo.

16.20 Tyicuan ta ra cachica noo chihin ra quitā ra ta chahan coyo ra chichahān ra tuhun Nyoo yoso caa sacacu ra anima yo tandihi ri ityi. Suri maa Sutu Mañi yo tyinyee chi ra vaty chahā ra cha sacuvi ra cuaha milagru. Ta tyicuan caa nyehé ñayivi tyi ndicha tuhun cacahān ra.